



特加太子少保巡撫直隸等處地方管轄紫荆等關
宣府一鎮地方密雲等關隘贊理軍務兼理糧
餉都察院右僉都御史臣于成龍 謹


奏爲恭謝

天恩事切臣一介庸愚才識短淺荷蒙

皇上簡撫

畿甸受事以來黽勉供職毫無寸長復蒙

聖恩特加太子少保臣捫心自問益增惶悚惟日夜



石佳彝雞澤縣知縣祖法敬揭報本官劣蹟合
之臣訪聞無異此一官者行止乖張貪婪酷虐
擅受民詞而任意索詐苛取行戶而指價肥私
捕務廢弛穢蹟彰著誠難姑容以爲民害所當
特疏糾叅請

旨革職同有名蠹役人等提問寃擬者也臣未敢擅
便謹

題請

旨康熙二十六年九月初三日題本月十二日奉
旨這所叅鍾玉着革了職其貪酷各款併本內有名
蠹役該撫嚴提寃擬具奏該部知道

特加太子少保巡撫直隸等處地方管轄紫荆等關
宣府一鎮地方密雲等關隘贊理軍務兼理糧
餉都察院右僉都御史臣于成龍 謹

題爲欽奉

上諭事該臣看得直隸輿圖欽奉

上諭頒發式樣繪畫臣檄守道詳委井陘口北二道

並河間等府廳員公同繪畫並造冊說具疏進

呈在案今據守道叅議朱弘祚詳稱直隸沙河縣輿

圖因照依誌書所開與山西和順縣接壤遂卽
繪圖造冊今經沙河和順二縣勘明沙河縣與
邢臺縣臭水村交界不與和順縣相連而和順
縣實與邢臺縣接壤沙河則與邢臺相並其邢
臺和順二縣交界之黃榆嶺及沙河誌載之五
指山總屬太行一派今改正接壤之處俱在府
屬交界之中等因臣查與圖冊說沙河縣疆域
開註西至山西遼州和順縣界一百四十里至

和順縣一百八十里今應改爲西至邢臺縣界
一百五十五里既據該道詳請

題明前來理合具

題伏乞

勅部查照施行謹

題請

旨康熙二十六年九月二十日題本月二十九日奉
旨該部知道該兵部臣等議得直隸于成龍疏稱直

隸輿圖已經繪畫造冊進

呈在案今據守道朱弘祚詳開直隸沙河縣輿圖前
因照依誌書所開與山西和順縣接壤遂卽繪
圖造冊今經沙河和順二縣勘沙河縣與邢臺
縣交界不與和順縣相連而和順縣實與邢臺
縣接壤其接壤之處應行改正等因前來查先
經直隸巡撫于成龍繪圖造冊具題奉

旨該部知道圖冊留覽欽此欽遵在案今該撫旣稱
沙河與邢臺交界不與和順相連應將先前進
呈圖冊請出發回該撫速行改正進

呈可也等因康熙二十六年十月十一日題本月十
五日奉

旨依議

特加太子少保巡撫直隸等處地方管轄紫荊等關
宣府一鎮地方密雲等關隘贊理軍務兼理糧
餉都察院右僉都御史臣于成龍 謹

題爲奸棍串騙鯨吞殺命事該_臣看得惡監史啟
望肆毒鄉里素爲士民之所側目其弟史啟全
指稱合夥買木生理誣騙王錫魯之父王承業
本銀二百四十餘兩恃強不還以致承業氣鬱
身亡錫魯等具詞控縣而史啟望乃捏稱部差

提拿漏稅名色率領家僕么和義等夤夜打入
錫魯之家將魯母朱氏採髮裂衣遊街毆辱并
將魯弟王錫印僕人陳邦寧一併擒送巡檢衙
門不謂蘆臺巡檢馬廷棻身為職官乃附勢黨
惡不問是非將朱氏等擅行鎖禁復聽啟望之
囑託或稱拒捕殺差或稱毆打職官妄為瀆申
且私囑弓兵張承業為啟望作証凡可以排陷
錫魯者無不曲為啟望左袒計似此惡監劣員

實為律法之所難容但啟望係候選州同馬廷
棻係見任巡檢相應

題叅請

旨革職以便嚴審究擬者也理合具

題伏乞

睿鑒施行臣未敢擅便謹

題請

旨康熙二十六年九月二十七日題十月初六日奉

旨史啟望着革去職銜馬廷榮着革了職該撫嚴提
究擬具奏該部知道

特加太子少保巡撫直隸等處地方管轄紫荆等關
宣府一鎮地方密雲等關隘贊理軍務兼理糧
餉都察院右僉都御史臣于成龍 謹

題爲地被連年水滄沙壓民苦包賠錢糧謹具疏
題

請蠲豁以甦民累事該_臣看得寧晉縣地處最窪爲

九河匯注之區凡遇雨澇水勢汎漲久積成泊

河身日淤無從宣洩_臣去年巡歷到彼目覩滄

沒情形最真據士民張奇豹等呈控批令趙州
查勘業經

題明在案今據守道叅議朱弘祚詳稱寧晉縣水
佔成泊之地曾經前撫臣金世德

題請豁免其地一千七百四十一頃七十一畝零
嗣因天旱水落漸次涸出節年陸續報墾今自
康熙二十三年滏河水溢將新墾之地盡行淹
沒除沿邊涸出畧堪耕種外實被水滄其地一

千四百六十七頃二十八畝七分三釐其應徵
銀二千九十八兩三錢一分二釐零內已經刊
入由單起科徵糧地一千五十頃二十一畝三
釐五毫其徵銀一千四百二十七兩四錢七分
一釐零未經起科地四百一十七頃七畝六分
九釐五毫其徵銀六百七十兩八錢四分零確
係水佔成泊糧無從出取具勘官印結造冊呈
送前來臣逐一覆核無異除冊結送部外理合

具

題仰懇

皇仁照任縣成安之例准其豁免俟水退可耕之日再行勸墾伏乞

睿鑒勅部議覆施行

臣

未敢擅便謹

題請

旨康熙二十六年九月二十日題本月二十八日奉旨該部議奏該戶部臣等查得直撫于成龍疏稱寧

晉縣水佔成泊之地共一千四百六十七頃二十八畝七分零共應徵銀二千九十八兩三錢零內已經列入由單起科徵糧地一千五十頃二十一畝零未經起科地四百一十七頃七畝六分九厘零徵銀六百七十兩八錢四分零確係水佔成泊糧無從出懇照任縣成安縣之例准其豁免俟水退可耕之日再行勸懇等因造冊具題前來查本年二月內據該撫將任縣成

安縣水淹沙壓地畝錢糧請免其寧晉縣水淹地畝另疏具題等因臣部議覆將任縣成安縣水淹地畝錢糧准其豁免在案今寧晉縣水淹地畝該撫既稱委官勘明實係水佔成泊應將此項地畝所徵錢糧准其豁免俟水退之日卽令當年開墾起科可也等因康熙二十六年十月初九日題本月十二日奉

旨依議

特加太子少保巡撫直隸等處地方管轄紫荆等關宣府一鎮地方密雲等關隘贊理軍務兼理糧餉都察院右僉都御史臣于成龍 謹

題爲打死夫命事該_臣看得魏良安乃庄農小民於康熙二十六年七月二十四日在田刈獲旗人侯大等趕車採蒿路經良安田畔卽割其高糧禾穗喂牛復拿其秫稽上車良安與之理論侯大等自恃旗人衆多輒肆攢毆竟將良安打

倒迨鄉地抬送入城報官而侯大之主保定府
駐防城守正紅旗六品官吳科不但行約束
家人反持鞭趕打鄉地脚踢良安以致魏良安
傷重當日殞命該縣檢驗傷痕致命纍纍當初
審之時有民人劉進招承及進母趙氏代子鳴
寃劉進又將侯大等囑托情由和盤托出庭鞫
之下猶恃旗人刑不可加互相推諉真寃莫辯
且吳科係現任城守之員雖良安右肋腎囊等
處傷痕是否吳科脚踢未可確定其騎馬揮鞭
恣肆克暴據衆供確鑿所當特疏

題叅請

勅該部將有名人犯嚴審寃擬者也臣未敢擅便謹

題請

旨康熙二十六年九月二十日題

特加太子少保巡撫直隸等處地方管轄紫荊等關
宣府一鎮地方密雲等關隘贊理軍務兼理糧
餉都察院右僉都御史臣于成龍 謹

題爲特叅旗棍土豪肆毒無窮衿民被害難堪仰
祈

勅部究擬以伸民寃事該_臣看得光棍害民立法甚
嚴乃有愍不畏死之張應秋者賣身旗下恣肆
無忌姦淫馮氏而併及有夫之幼女且勾連棍

黨張仰泉等綁拿陳文學勒詐銀兩或硬派柴
草或隱佔地畝紛紛詐害以致窮民典身鬻女
填償棍腹迨旗棍克風旣熾隨有地棍楊貴麟
閆東安等起而效尤流毒一方訛詐無已此梁
大成等受害難堪所以羣起赴控相應一併

題叅伏乞

勅部嚴拿究擬施行

臣未敢擅便謹

題請

旨康熙二十六年十月初四日題本月十五日奉
旨張應秋等着該撫嚴拿究擬具奏該部知道

特加太子少保巡撫直隸等處地方管轄紫荊等關
宣府一鎮地方密雲等關隘贊理軍務兼理糧
餉都察院右僉都御史臣于成龍 謹

題爲錢糧宜歸畫一以便稽查事該_臣看得永薊

二協額外墩兵五百三十五名兵部咨行開除
今准天津鎮臣劉國軒咨稱向來永薊二協汛
界極廣多係邊海要區分巡防守所繫甚重而
額設制兵無幾不足佈置所有墩兵五百三十

五名原係康熙七年會議所留兵數之外前任
天津鎮臣陳奇比照宣府長夫驛軍之例特疏
題留在案凡有墩兵之處從前裁兵之時盡將制
兵汰革今若更裁墩兵則守關千把惟存孑然
一身汛守必致貽悞是墩兵一項仍應照舊存
留以資防禦萬難議裁臣謹會同天津鎮臣劉
國軒合詞具
題伏乞

勅部議覆施行臣未敢擅便謹

題請

旨康熙二十六年十月十六日題本月二十五日奉
旨該部知道該兵部臣等議得直隸巡撫于成龍等
疏稱永薊二協汛界極廣多係邊海要區分巡
防守所係甚重額設制兵無幾不足佈置所有
墩兵五百三十五名原係康熙七年會議所留
兵數之外前任天津鎮臣陳奇比照宣府長夫

驛軍之例特疏題留在案凡有墩兵之處從前
裁兵之時盡將制兵汰革今若更裁則守關干
把惟存孑然一身汛守必致貽悞是墩兵仍應
照舊存留以資防禦等因查康熙七年議政王
等會議直隸省共留兵三萬名二十二年原任
直撫格爾古德具疏臣部議覆天津鎮屬地方
留兵一萬一千名此外並未留五百三十五名
墩兵之處後原任天津總兵官陳竒比照長夫

驛軍題請存留臣部議墩兵原係議政王等會
議所留兵數之外應毋庸議亦並無准留此項
墩兵之處其該撫所請墩兵照舊存留以資防
禦毋庸議應行該撫鎮將天津鎮屬一萬一千
名經制兵內撥給防禦可也等因康熙二十六
年十一月初五日題本月初八日奉
旨這墩兵着照該撫所題存留

巡撫直隸等處地方管轄紫荆等關宣府一鎮
地方密雲等關隘贊理軍務兼理糧餉都察

院右僉都御史臣于成龍 謹

奏爲恭謝

天恩事康熙二十六年四月十三日戌時准吏部咨
爲欽奉

上諭事康熙二十六年四月十二日奉

上諭諭吏部國家設官分職原以綏靖地方惠養黎

庶督撫爲封疆大吏表率屬員尤須才守兼優諳
練政務方於吏治民生實有裨益巡撫于成龍自
爲縣令以至郡守素秉清操愛民盡職遂從臬司
超擢巡撫簡任以來孤介自持清廉益著釐奸剔
弊扶弱鋤強境內謐寧旗民允服殊爲可嘉從優
特加太子少保以爲廉能稱職者勸爾部卽遵諭
行特諭欽此欽遵移咨到臣臣隨恭設香案望
闕叩頭謝

恩訖伏念臣一介卑微才庸識淺自筮仕作令以來
五年之中由州守以至臬司由臬司以至巡撫
無不仰承

聖眷越格超遷臣本迂踈不知學問

陛辭之日凜受

皇上教誨諄諄所以受事迄今地方一切事宜盡皆
仰仗

皇上聖德天威敷施宣布不敢少弛屢有罰俸之案

悉荷

洪慈寬免捫心自媿彌深兢惕茲又蒙

皇上殊恩特加臣太子少保自顧何人膺此

曠典臣跪讀

恩綸感激涕零惟有益矢冰蘖之搯勉竭駑駘之力

以期無玷於

寵命仰答

高深於萬一已耳臣謹恭疏

奏謝伏乞

睿鑒施行



特加太子少保巡撫直隸等處地方管轄紫荊等關
宣府一鎮地方密雲等關隘贊理軍務兼理糧
餉都察院右僉都御史臣于成龍 謹

題爲呈明事該臣看得順永保河四府屬州縣民
地被圈失業窮黎受補外境地畝准戶部咨開
科則與原撥除糧之數不符已於新編全書內
更正行據守道叅議董世琦詳稱撥補地畝俱
係遠鄉荒瘠非故土沃壤可比順治年間

欽定全書幾經部議豈不知原撥州縣開除若干受
補州縣輸納若干乃令失業之民減則輸將而
不照原除科則刊載者深知撥補之地往返遙
遠不能自行播種惟藉取租完糧既有跋涉之
勞盤費之苦而又零星拖欠歷年未得清楚若
遇荒歉隨時虧減每至不敷正供故當日酌定
科則原係特奉

恩綸兼之部臣核定實非外屬之敢於自爲輕重因
循陋弊者可比也今一旦更正較現在徵輸之
數有增至過半以及二三倍不等在小民之租
銀不可多增而正賦先後懸殊必至催追難完
官民交困且內有增徵米豆草束者若於撥補
地內收取本色則輓運維艱如令其採買交納
則賠墊爲苦此又大不便於受補之民者也

臣
查康熙二十六年五月初三日欽奉

恩詔內開一直省地方有現行事例不便於民者令

該督撫詳察開列具題該部確議酌量更正此受
補地畝科則照例徵輸已久今一旦悉爲增徵
實有累於小民仰祈我

皇上俯念窮黎隔府撥補之地輸將已久

勅部仍照歷年舊額徵解則四府屬受補之民咸沐
皇仁於無旣矣旣據該道呈詳前來理合具

題伏乞

勅部議覆施行臣未敢擅便謹

題請

旨康熙二十七年九月三十題十月初十日奉

旨該部議奏該戶部臣等查得先因順永保河等府

圈佔地方有將此縣地畝撥補彼縣而彼縣收
受頃畝斜錯不符者有將地畝科則改輕改重
竟無一定者今悉照原撥頃畝科則更正行文
該撫知照在案今據直撫于疏稱撥補地

畝俱係遠鄉荒瘠今一旦更正較現在徵輸之

數懸殊必致催追難完且

恩詔內開見行事例不便於民者各該督撫詳察開列具題此撥補地畝徵輸已久仍照歷年舊額徵解等因前來查順永保河等處撥補地畝卽如宣屬一處計撥補通州地共一千一百伍頃七十畝零宣府原開除正賦銀二千二百六兩零糧二千三百一十九石零今通州受補止徵銀一千三百八十二兩零糧石竟不派徵凡收受

各州縣多有不照撥補原則起科者但地畝錢糧科則原有一定彼除此受同此一地徵糧科則因何多寡懸殊明係反重爲輕有虧

國賦今若仍照舊因循則將來科額之缺少終無底止況新編全書原爲清除從前陋弊今更訂科則俱照原除數目核算以足從前少徵之原課非係額外加徵並無不便於民之處該撫旣不能清查更正反稱照例徵輸已久援

赦具題殊屬不合應將該撫所題之處毋庸議者也
等因康熙二十七年十月十四日題本月二十
一日奉
旨這撥補田地徵收錢糧歷年已久今不應復行增
徵著照該撫所題行

巡撫直隸等處地方管轄紫荆等關宣府一鎮
地方密雲等關隘贊理軍務兼理糧餉都察

院右僉都御史臣于成龍 謹

奏爲遵

旨明白具

奏事准刑部咨爲舉首行賄事奉

旨據奏彭起聲毆斃人命行賄求寬大干法紀並本
內有名人犯著嚴拿究擬具奏餘著議奏凡事應

據理執中具議旗民俱係一體民人亦有致死旗人者若云恃旗行兇民人致死人命又謂其何所恃作惡之徒在在恒有非關旗故今盡以爲恃旗則擾害百姓者必皆係旗人于成龍定有所見著明白具奏該部知道欽此欽遵移咨到臣伏念臣才學疎庸識見短淺仰蒙

皇上不以臣之謏劣屢叨

殊恩不次超擢歷陞直隸巡撫受事以來善狀無聞

愆過多端又蒙

聖恩格外優容寬免處分臣雖肝腦塗地難報

知遇之恩於萬一也惟是直隸旗民雜處爭訟繁多有旗人毆死民人者亦有民人致死旗人者旗人與民人均屬

朝廷赤子皆係一體若有所犯臣惟矢公矢慎處理推鞠不敢稍有偏徇以仰副

皇上愛養旗民之至意茲因彭起聲係旗人而行兇

就事論事故疏內有侍旗行克之語非指行克者皆必侍旗也民人行克者甚多原非擾害百姓者皆係旗人總由臣之愚昧敷詞不加詳細疎忽難辭實並非有成見而言也謹遵

旨明白具

奏伏乞

睿鑒施行

巡撫直隸等處地方管轄紫荆等關宣府一鎮地方密雲等關隘管理軍務兼理糧餉都察

院右僉都御史

臣

于成龍

謹

題爲

題明事康熙二十七年五月十二日准吏部咨考功清吏司案呈奉本部送吏科抄出該本部題前事查定例外官三年一

大計等語康熙二十六年十月二十八日原任都察

院左都御史徐乾學題爲請

勅嚴察軍政陋弊等事九卿詹事科道會覆內稱三
年

大計原以整飭吏治奠安民生應照軍政舉行其卓
異者仍行薦舉其溺職者仍照八法通爲一本
叅奏照常留任者亦停其開具四柱冊送部及
道員朝

覲亦應停止等因通行在案查康熙二十四年十二

月算至康熙二十七年十二月止三年已滿在
外各省官員

大計卓異者仍行荐舉其溺職者仍照八法通爲一
本叅奏俱於康熙二十七年十二月內具題康
熙二十八年正月內臣部會同都察院吏科察
核俟

命下之日通行直隸各省督撫遵行等因康熙二十
七年五月初三日奉

旨依議欽此欽遵抄部送司相應移咨前去欽遵施行等因到臣隨經通行各屬欽遵在案切照三年

夫計原以澄叙官方整飭吏治誠恐不肖有司指稱朝

覲盤費造冊紙張名色私派累民欽奉

俞旨將四柱冊及道員朝

覲俱行停止其

大計卓異者仍行荐舉溺職者照八法通爲一本叅

奏

臣

准部咨卽通行欽遵隨細加採訪直屬大小

各官廉隅自飭循分供職者固不乏人論其操守才能儘有可造就薦舉者若欲盡入薦剡則拘於定額未敢泛及多人若欲遴擇入

告則不與其選者未免有偏枯向隅之嘆人心未協

無以鼓勵官方

臣

荷蒙

皇上格外殊恩恭逢

大典豈敢草率奉行虛應故事此卓異一項臣所以
再四躊躇而不敢冒昧者也直屬各官康熙二
十七年

大計似應停止嗣後如果訪有清廉昭著才品兼優
者容臣特疏

題薦以旌循良如有不肖劣員亦不時查叅決不
敢姑容以貽民害茲值

計典伊邇臣爲

朝廷慎重名器起見謹具疏

題明伏乞

睿鑒勅部議覆施行臣未敢擅便謹

題請

旨

巡撫直隸等處地方管轄紫荆等關宣府一鎮
地方密雲等關隘贊理軍務兼理糧餉都察

院右僉都御史臣于成龍 謹

奏爲恭謝

天恩事康熙二十七年十月十二日准刑部咨爲遵
旨會審事江南清吏司案呈奉本部送刑科抄該本
部會同九卿詹事科道會看得據慕天顏雖供
我曾吩咐過馮通判漕船已近皂河口不便令

回中河去不要堵塞口子令他過去若未到清
河之漕船令其走中河說了是實遊擊馬得勝
我止委他催糧船並不曾令他將進中河的船
催回將進中河的船趕回係我起身以後我不
知道等語據看中河學士凱音布疏稱通判馮
祐稱靳輔起身進

京時曾說若漕船來將支河口堵塞令漕船行走
後慕天顏進

京時對我們說後邊漕船來時不得混將支河口
堵塞等語又將進仲家閘的船慕天顏標下遊
擊馬得勝將運丁打了船趕回出去等語靳輔
要堵塞的支河口慕天顏不令堵塞又將進中
河的漕船打回令通判馮祐將支河口不得混
亂堵塞先經兩次審問時到了淮安船上會見
董訥董訥說靳輔做人不甚好行止亦不端正
教他離任也罷了已經供出今又巧供董訥並

未向我說靳輔離任也罷了之話我亦無此口
供揆此等之處慕天顏壞河工是真據此慕天
顏合比照凡對制及奏事上書詐不以實者杖
一百徒三年律應不准折贖徒三年至配所杖
一百折責四十板據于 供我向程同知家

人說

皇上不惜帑金挑河救民他們督撫何苦議停這話
原是有的至聽人傳說河道壞了與慕天顏書

是有的俱是爲

國計民生起見叫他具題整頓河道將無實據之
言並未詳細越分遠行啟奏這是我的罪有何
辯處等語于 將無實據之言啟奏又寄書
與慕天顏令其啟奏不合據此于 應降三

級調用銷去太子少保抵降一級仍降二級調
用據董訥雖供我曾對慕天顏說靳輔爲屯田
一事惹百姓怨聲載道怎麼是好人做的事並

不曾說他河工我若欲叅靳輔我做總督豈不能上本叫總漕上本麼等語據慕天顏供到淮安船上見董訥董訥說靳輔做人不甚好行止亦不端正我若諳練河工卽行啟奏你於河工上熟練又不啟奏是負

皇上恩了等語且據伊供我曾向慕天顏說靳輔爲屯田一事惹百姓怨聲載道怎麼是好人做的事等語揆此董訥說與慕天顏令其具題併遇

見慕天顏會同講說之處俱真據此董訥應查議但董訥先因河工之案已經降調應無容議
康熙二十七年九月二十九日題十月初三日
奉

旨于成龍着銷去太子少保從寬免降級調用慕天顏從寬免罪餘依議欽此抄部送司案呈到部擬合就行爲此合咨前去查照施行等因移咨到

臣臣
隨恭設香案望

闕叩頭謝

恩訖伏念臣一介庸愚叨蒙我

皇上格外洪恩優陞直隸巡撫受事以來未能少効

寸長捫心自問彌深惶悚復蒙

皇恩特加太子少保臣雖肝腦塗地不能仰報

高深茲河工一事

廷臣會議降調又荷

聖德優容止銷去太子少保從寬免降級調用臣跪

誦

綸音感激涕零自今以往惟有益加黽勉潔已盡力

以仰答

聖主之殊恩於萬一已耳臣謹恭疏奏

謝伏乞

皇上

睿鑒施行謹具奏

聞

巡撫直隸等處地方管轄紫荆等關宣府一鎮
地方密雲等關隘贊理軍務兼理糧餉都察

院右僉都御史臣于成龍 謹

題爲揭報浮躁縣令事該臣看得縣令一官戢士
安民是其專責務須訓養有方始稱無忝厥職
乃有內黃縣知縣沈士祿者目無上司舉動乖
張於康熙二十七年七月二十一日擅差衙役
至學臣考試場前鎖拿無辜生員董柟等以致

奏疏
士論不服物議沸騰臣訪聞有據正在核叅間
茲據該道府揭報前來與臣所訪無異似此躁
妄之員相應特疏

題叅請

旨勅部嚴加議處者也臣未敢擅便謹

題請

旨康熙二十七年十月十三日題本月二十三日奉
旨沈士祿着革了職該撫嚴提究擬具奏該部知道

特加太子少保巡撫直隸等處地方管轄紫荆等關
宣府一鎮地方密雲等關隘贊理軍務兼理糧
餉都察院右僉都御史臣于成龍 謹
題爲特叅貪恣撫臣仰祈

乾斷重處以肅官方事康熙二十六年十二月二十
三日准吏部咨考功清吏司案呈奉本部送吏
科抄出巡視南城山西道監察御史陳紫芝題
前事等因康熙二十六年十二月十八日題本

奏
月二十一日奉

旨張汧着革了職將所叅貪婪各款着于成龍馬奇
凱音布馳驛前往會同提拿嚴加審擬具奏直隸
巡撫事務着胡獻徵署理山西巡撫事務着薩弼
圖署理該部知道欽此相應抄錄原疏移咨前去
欽遵施行計粘抄一紙等因到臣又准都察院
左副都御史凱音布移咨內開爲請
旨事查審湖廣巡撫張汧等一案奉

旨着巡撫于成龍馬奇凱音布去臣等會同查審或
令于成龍馬奇來京公同請

旨或臣速行前往于成龍處會馬奇去爲此請

旨等因於康熙二十六年十二月二十一日寫綠頭

牌具題本日奉

旨于成龍馬奇着停止來京會于成龍約同馬奇同
會前往欽此本院二十四日起程於二十六日到
保定府爲此知會等因到臣隨卽欽遵移咨山

西撫臣馬奇知照會同赴楚併將直隸巡撫關
防一顆於本年十二月二十四日交與巡道僉
事胡獻徵署理外查左副都御史臣凱音布咨
內於本年十二月二十六日抵保定府臣卽當
會同於本日起程星馳前赴楚省會審俟審明
會疏具

題所有微臣起程日期理合恭疏
題報伏乞

勅部查照施行



特加太子少保巡撫直隸等處地方管轄紫荆等關
宣府一鎮地方密雲等關隘贊理軍務兼理糧
餉都察院右僉都御史臣于成龍 謹
題爲恭報微臣回署日期併奉

差日久積案繁多仰祈

睿鑒寬限事切臣荷蒙

皇上隆恩昇撫畿甸日夜思竭駑力以圖報稱乃又

蒙

皇上不以臣謏劣無能

特命臣前往湖廣會審原任巡撫張汧等一案隨於
康熙二十六年十二月二十六日起程往楚迨
審理事竣赴

闕復

命隨恭送

天行太皇太后梓宮於康熙二十七年四月二十六日

回

京五月初二日奉

旨着臣回署辦事臣於康熙二十七年五月初三日

起程初四日至保定府臣衙門接受直隸巡撫
關防任事訖伏念臣材質疎庸識見褊淺一切
建白愆過多端仰蒙

皇上天高地厚之恩格外優容屢

賜教訓臣犬馬戀主之誠悚懼滋深感激泣涕敢不
愈加砥礪以報

皇上使過之弘仁少盡臣職於萬一但臣自奉

差公出已經四月有餘其一切平常事件雖經署理
巡撫事務直隸巡道今陞江蘇布政使胡獻徵
陸續辦理至如康熙二十六年分贓罰考成自
理贖鍰及陞任守道朱弘祚交盤冊結并蠲免
錢糧數目以及各鎮協營朋扣銀兩等案先經
胡獻徵

題明部覆俟臣回署之日具

題咨行在案再如地丁兵馬驛站各項奏銷又米
清臣父子濟惡一案奉

旨與山東撫臣會審又真定總兵奉裁分管地方裁
減兵數令臣會同天津宣府鎮臣確議併有各
案

欽件事關緊要重大署官不便具

題者俱俟臣回署完結各案皆關緊要今皆已臨
限亦有已經逾限者務須議緝查核勢難刻期

清理查定例新任巡撫以到任之日爲始扣限

兩個月今臣奉

差日久各案堆積繁多仰祈

睿鑒准臣以回署之日爲始寬限三個月次第

題結庶臣得悉心詳核而無舛錯遲悞之虞矣理

合具

題伏乞

勅部議覆施行奉

旨該部議奏該吏部臣等議得直撫于成龍疏稱在
自奉

差公出已經四月有餘其一切事件雖經署事原任
巡道胡獻徵陸續辦理至如康熙二十六年分
贓罰考成自理贖緩及陞任守道朱弘祚交盤
冊結并蠲免錢糧數目以及各鎮協營朋扣銀
兩等案再如地丁兵馬驛站各項奏銷又米清
臣一案又真定總兵奉裁分管地方裁減兵數

俱俟臣回署完結祈准臣以回署之日爲始寬
限三個月次第題結等因前來查先經九卿詹
事科道會議疏稱督撫到新任接署者俱以到
任接署日期扣算係四個月限期者准展限兩
個月完結通行各督撫遵照在案應將直撫于
成龍題請展三個月限之處無庸議仍令照例
於兩月限內完結可也等因奉

旨着照于成龍所奏行

